



Nema mjesta kao što je dom

Kako stanari mogu unaprijediti svoje naselje



Loš urbanistički plan i nedostatak javnih prostora može otuđiti lokalno stanovništvo i obeshrabriti osjećaj zajednice.

UVOD

Bosna i Hercegovina ima dosta skromno iskustvo o učešću javnosti u procesu donošenja odluka. Lokalne vlasti, uglavnom, ne konsultuju stanovništvo pri donošenju odluka koje kasnije utiču na svakodnevnicu građana. Građani mogu pomoći i unaprijediti urbano planiranje grada Banja Luke.

CILJ

Osnovni ciljevi projekta su sljedeći:

- Poboljšati uslove života stanovnika u prenaseljenom naselju Borik i na dugoročnoj osnovi;
- Razviti i odobriti preliminarni izgled otvorenog prostora u naselju Borik i;
- Omogućiti i podržati komunikaciju i saradnju lokalnih vlasti i građana; i
- povećati nivo svijesti o potrebi učešća javnosti u procesu donošenja odluka.

METODOLOGIJA

Namjera izvođača projekta bila je da kroz sljedeće aktivnosti ostvari cilj :

- omogućiti kontakt sa lokalnim vlastima u svrhu njihovog upoznavanja sa tekućim problemima;
- organizacija info-kampanje o hitnoj potrebi izrade plana iskorištenja prostora u naselju Borik i;



NVO
Eco City Group

Voditelj projekta
Anđelina Osap

Kontakti
Beogradska 3/35
Banja Luka,
Bosna i Hercegovina
Tel: (387-51) 462-616
andjelina@blic.net

- ispitati mišljenje građana o tome kako bi oni riješili postojeće probleme;
- objaviti rezultate ispitivanja putem mas-medija;
- razviti prijedlog o postavljanju javnih klupa i drugih rekvizita za javnu upotrebu;
- uključivanje javnosti u izbor javnih rekvizita;
- razvoj preliminarnog plana izgleda cijelog naselja;
- distribucija svih rezultata lokalnim vlastima i javnim medijima;
- provođenje javne kampanje o rezultatima projekta;
- održavanje javne rasprave o mogućim rješenjima;
- prezentacija predloženog preliminarnog izgleda lokalnim vlastima te zahtjev za njihovo odobrenje; i
- poboljšanje uslova stanovanja u naselju kroz postavljanje javnih rekvizita.

REZULTATI

Počev od septembra 2003, članovi Eco City Group su pokrenuli prvo pismenu, pa nakon toga i direktnu komunikaciju između građana i lokalnih vlasti o projektnoj ideji i načinu sprovođenja. Predstavnici Gradske Uprave za prostorno planiranje su pokazali interes i prihvatili su ideju da učestvuju u aktivnostima na sprovođenju projektne ideje. Kampanja usmjerena na širenje informacija o postojećem problemu je počela u septembru 2003, i sprovedena je kroz distribuciju postera i letaka i kroz objavljivanje putem javnih medija. Prigodni, manji informativni leci su podijeljeni u sve poštanske sandučice u naselju, a veći poster su postavljeni na ulazu u zgrade. Mediji su informisali o problemu kroz novinske članke i prigodne priloge na TV.

Građani naselja Borik su istakli svoje mišljenje o mogućim rješenjima problema zagađenja i degradacije prostora u naselju. Mišljenje građana je predstavljeno stručnom organu lokalnih vlasti.

Mišljenje stanovnika naselja je razmotreno i uzeto u obzir prilikom razmatranja i usvajanja plana izgleda naselja.

Predloženi plan naselja je kasnije raspravljan i na nivou lokalnih vlasti i rezultat aktivnosti je da je plan naselja revidiran u skladu sa preporukama građana.

Sve aktivnosti koje su se provodile kroz projekat su, koliko god je to bilo moguće, bile objavljene putem javnih medija. Konačni rezultati su objavljeni u javnim medijima, a lokalne vlasti su preuzele obavezu da rezultate objave i na svom zvaničnom web-site.

Uključivanje građana kroz realizaciju projekta učinjeno je u skladu sa načelima i odredbama Aarhuske Konvencije.

Konačan proizvod realizacije projekta, sve aktivnosti i ostvareni rezultati, su objavljeni i dostupni su svim zainteresovanim činiocima – građanima, stručnim organizacijama te predstavnicima lokalnih vlasti, koji su nadležni za konačno usvajanje.

NASTAVAK AKTIVNOSTI

Ovaj projekat je prvi pilot-projekat ove vrste u zemlji i može biti dobar primjer i za širi region. Nesumnjivo je da bi ovakav pristup rješavanja problema mogli slijediti i drugi akteri u istoj ili drugoj sredini.

Eco City Group će nastaviti rad na ovom projektu i nastojati da podržava komunikaciju građana, stručnih organizacija i lokalnih vlasti u korist svih aktera i na način koji će omogućiti da se kroz zajednički rad dođe do optimalnih rješenja u prostoru.

